

1627.

dicitur extirpare: Idcirco de Ven: fratrum nostrorum S.R.E. Cardinalium negotiis Regularium praepositorum consilio, sectam, statum, & Congregationem hujusmodi nullius firmitatis unquam fuisse, aut esse apostolica auctoritate, tenore praesentium, decernimus, & declaramus, & quatenus de facto processit, eisdem auctoritate, & tenore penitus, & omnino revocamus, cassamus, & annullamus, perpetuaeque prohibitioni subicimus, & ab Ecclesia Dei penitus abolemus; necnon omnibus, qui habitum, ut supra susceperunt, professionemque emiserunt, sub excommunicationis latae sententiae poena interdicimus, & expresse prohibemus, ne sectam, seu Congregationem hujusmodi ab ipsis assumptam sectentur ulterius, vel ipsam de novo assumere quoquo modo audeant, vel praesumant.

In ea professi concedit, ut in seculo in habitu clericali vivant.

§.3. Et nihilominus iis, qui bona fide, vota, ut supra, emiserunt, ut in seculo in habitu clericali sub obedientia tamen Episcopi loci, ubi eos morari contigerit, voto castitatis adstricti remanere libere, & licite valeant, auctoritate, & tenore praedictis concedimus, & indulgemus.

Monet tamen ut aliquam ex Religionibus approbatis ingrediantur.

§.4. Ceterum eos paterne in Domino hortamur, ut aliquam ingrediantur de Religionibus a Sede Apostolica approbatis, ibique reddant Domino vota sua. In contrarium facien. non obstantibus quibuscumque.

Transumptis credi jubet.

§.5. Volumus autem, quod praesentium transumptis etiam impressis, manu Notarii publici subscriptis, & sigillo personae in ecclesiastica dignitate constituta munitis eadem prorsus fides ubique habeatur, quae ipsis praesentibus haberetur, si forent exhibitae, vel ostensa.

Dat. die 20. Maii 1627. An.IV.

Datum Romae apud S. Mariam Majorem sub Annulo Piscatoris die vigesima Maii 1626. Pontificatus nostri Anno IV.

CCXXIII.

Nova Erectio Collegii Illyrici in Civitate Lauretana pro Adolescentibus ex Illyricis Provinciis sumptibus Domus Lauretanae educandis cum Privilegiis, & Indulgentiarum largitione.

URBANUS EPISCOPUS

SERVUS SERVORUM DEI

Ad perpetuam rei memoriam.

Procurium.

Zelo Domus Dei Nos commovente, ut parvulis petentibus panem verbi Dei pro munere nostro frangamus, quippe qui universarum gentium populorumque Christi fidem profitentium salutem procurare, & promovere studemus, dum omnes Christiani Orbis partes oculis mentis nostrae perlustramus Illyricae linguae gentis, majorem Europae, & maximam Asiae portionem incolentis, atque per Europam praesantissimis Regnis, & Provinciis olim florentissi-

mae, ac inter plantas apostolicas in gremio Catholicae Ecclesiae primogenitae, nunc vero maxima ex parte sub impia Turcarum tyrannide gementis, Schismaticorumque Orientalium, haeresumque Septentrionalium venenis per partes infectae, pro debito nostri pastoralis officii, necessitatibus spiritualibus succurrere cogimur, & admone-

Gregor. XIII. fundavit Collegium Illyricum Laureti pro 30. Juvenibus in dicta Natione.

§.1. Cum itaque, sicut Nobis innotuit, alias fel. recordationis Gregorius Papa XIII. praedecessor noster miseratione tantae gentis, Collegium Illyricorum juventutis in Civitate Lauretan. illius Sacrosanctae domus proventibus alenda, bonisque artibus, & disciplinis instruenda, praefixo tunc temporis numero ad triginta adolescentes, apostolica auctoritate crexisset, & instituisset optimo aequo consilio, fructuque; cum brevi temporis intervallo juvenis inibi bonis moribus, ac Literis instituta, patriaeque juvanda adhibita, magno divinae gloriae augmento, animarumque salute, Provincias Illyricas, praesertim vero litoralem Dalmatiam, discussis, quibus offundebatur, ignorantiae tenebris, ad vere pietatis media excitaverit.

Illud vero ad 12. fuerat redactum.

§.2. Cumque adeo pium opus aliquot post annis, quibusdam de causis, admodum imminutum fuerit, redacto ad duodecim tantum alumnos adolescentium Romam Laureto, translatorum numero, Lauretano Collegio penitus extincto.

Urbanus de novo Laureti fundat, & erigit pro 36. Juvenibus, ex Illyrica natione.

§.3. Nos, qui hanc ejusmodi translationem, & numeri alumnorum imminutionem, in maximum damnium fidei in illis provinciis contigisse, certa scientia cognovimus, ad opus hoc, dictum Collegium in pristinum, & quantum fieri poterit, meliorem statum restituendum, & renovandum, animum, & mentem nostram convertentes, maturo desuper cum Ven. Fratribus nostris S. R. E. Cardinalibus Congregationi de propaganda fide praefectis, habito consilio: Motu proprio, non ad alicujus Nobis desuper oblatae petitionis instantiam, sed ex certa scientia, meraeque liberalitate nostris, ac de Apostolica potestatis plenitudine, ad Dei Omnipotentis laudem, Sanctaeque ipsius Ecclesiae incrementum, ac praecipuam Illyricae gentis salutem, & commodum, in Civitate Lauretan. praefata dictum Collegium Illyricorum appellandum, in quo in posterum prior adolescentium numerus triginta sex videlicet, Sacrosanctae Domus Lauretanae, ut olim, proventibus, & redditibus, & provisionibus sustentari, alii educari, ac in bonis, ecclesiasticisque moribus, necnon in Grammaticae, Philosophiae, & Theologiae, ac sacrorum Canonum, aliarumque facultatum necessitates Illyricas concernentium, disciplinis, ac studiis instrui; ita tamen, ut donec dicta Sacra domus, cujus proventus, ob multas expensas in translatione Alumnorum, & extruptione domus Collegialis factas, tam magno Alumnorum numero sustentando non facile sufficere videtur, expensarum mole levari coeperit, Collegio praefato viginti saltem Alum-

Distributio, & assignatio locorum Eccl. Illyricis.

ni ex Illyricis Provinciis evocandi alii, educari, & instrui debeant.

§.4. Et horum viginti Alumnorum loca, duodecim videlicet litoralibus Dalmatiae urbibus ab exordio dicti Collegii destinata, perpetuo adolescentium ejusdem Provinciae immutabilia censentur, & esse debeant, distributione, & assignatione dictorum duodecim locorum, sequenti ratione inviolabiliter observanda. Nimirum, ut Spalaten. Ragusin. Jadren., & Antibaren. Ecclesiae Metropolitanae singulae unum semper Alumnus, seu unius Alumni locum habeant, & in illorum distributione, Spalaten. videlicet, oppidi Almisenensis nunc suae dioec., Antibaren. vero Buduanae Civitatis suae Provinciae, Jadren. autem Ecclesiae praefatae Oppidi Pagenensis etiam suae dioec. rationem habere debeant: ut scilicet tertia quoque successio Alumnorum pertinentium ad dictas tres Metropolitanas Ecclesias sit oppidorum, & Civitatis hujusmodi. Similiter Sibenicens., Veglien., Pharen., sive Lesinen., Ausseren., Catharensisque Ecclesias singulis locis unius Alumni competat: in quibus distribuendis Pharen., seu Lesinen. Brachia Insulae suae Dioec., Ausseren. vero Chersi oppidi item suae Dioec., Catharen. Ecclesiae praefatae Perasti oppidi pariter suae Dioec. eandem rationem, quae supra tribus Metropolitanis Ecclesiis praefata praescripta est, habeant, & habere teneantur. Denique Ecclesiae Curzolen. cum Stagnen. unum alternatim, Tragurien., & Nonen. itidem, sicuti & Arben., & Senonen. unum alternatim habere debeant, hoc tamen expresse servando.

Si Praelati neglexerint mittere alumnos, quid servandum.

§.5. Ut quodcumque, vel negligentia Praelatorum, Capitulorumque Dalmaticorum, ad quos approbationem dictorum Alumnorum conjunctim, electionem vero, & admissionem eorum, qui, ut praefertur, approbati fuerunt, ad Cardinalem ejusdem Collegii Praefectorem pro tempore existentem perpetuo spectare, & pertinere volumus, vel quavis alia de causa loca alicujus, vel aliorum Alumnorum eisdem, ut praefertur, Ecclesiis assignatorum, ultra sex menses vacare contigerit, nullatenus illa ex aliis praefatis Dalmatiae Ecclesiis litoralibus, sed ex aliis Illyricae nationis sub Turca existentibus, ea tantum vice, qua vacare contigerint, per quod tamen nullum praedictum impofterum aliis Ecclesiis praefatis generetur, suppleatur, & hoc toties, quoties similis vacatio intercesserit.

Quid agendum cum praesentibus Alumnis.

§.6. Quinimo si qui Alumni, plures videlicet ex una dictarum Ecclesiarum praeter hanc nostram declarationem in d. Collegio admitti de cetero reperientur, sine ulla mora protinus excludantur, locaque suis Ecclesiis assignata, vel aliis eorum loco nominatis sine ulla interpretatione, indulgentiae restituuntur. Reliqua vero octo loca pro nunc, donec Alumni ad antiquum numerum integrentur, sic divisa intelligantur, nimirum, Bosnen., Maccaren., Scardonon., necnon Samandri., & Uscopien. Ecclesiae, singulae videlicet unicum Alumnus habeant, sicuti & regio intra Dravum, Savumque

fluvios constituta Bosnen. Administratores cura commissa unicum, in Albanensi vero, sive Epirotica Provincia, donec juxta ejusdem praedecessoris mentem peculiare Collegium eidem constituitur, Ecclesiae citra Drinum Fluvium constituta, unicum, ultra vero Drinum alium vicissim habere debeant. Adhaec vero numero, in futurum illius beneficio praenominate Ecclesiae sub Turcis constituta, additis Tinien., Dumnen., seu Dalmaten., Stridonon., Tribuntiensisque, in Dalmatia Turcica, Bosnaque, Nisnensisque, ac Prifrien., sive Justinianea prima in Servia potiantur, & gaudeant, habita nihilominus ratione Ecclesiarum praefatarum majori auxilio indigentium, apostolica auctoritate praefata, eorundem tenore praesentium, rursus ex integro perpetuo erigimus, & instituiamus.

Modus admitendi Alumnos ad Collegium.

§.7. Ut autem admissio, & receptio dictorum Alumnorum debito ordine procedat, ut nemo intra eorum numerum in praefato Collegio acceptetur, qui Literas testimoniales Ordinarii sui, & Capituli loci, ubi fieri poterit, non habeat, quibus constet illum in, & de legitimo matrimonio natum, & saltem prima tonsura initiatum, nec esse Neophitum, multo minus aliquo tempore haerese, vel mahumetismo adhaxisse, sitque sanus, & absque ulla infirmitate habitata, vel incurabili, ac sine ullo vitio, vel deformitate notabili corporis, lingua minime impedita, parentibus Illyricis, Illyricaque lingua, & si fieri poterit, literaturae quoque Illyricae peritus, qui vagus non fuerit, nihilque negotii, ac litium habeat, & praerati voluntatem, ac speciem proficiendi in disciplina pietatis, & literarum, ad effectum, ut evadat utilis operarius in cultura Illyricanae Ecclesiae, idemque non sit inferior quatuordecim annis, nec vigesimum annum excedat, habeatque aliquam Grammaticae cognitionem: quae omnia sicut in duodecim Dalmaticis Alumnis ab Episcopis, & Capitulis, ut praefertur, deligendis, omni rigore, ita in subditis Turcarum mitius observentur.

Juramentum Alumnorum.

§.8. Et postquam aliquis praefato ordine inter Alumnos receptus fuerit, collegialem vestem, non induat, nisi per semestre spatium probatus iudicio Superiorum ejusdem Collegii solemne juramentum in manibus ejusdem Collegii Rectoris pro tempore existentis emiserit, juxta formam a Congregatione de Propaganda fide praescriptam; & praeterea juraverit, quod praestis studiis, vel ob aliquam legitimam causam non prorsus absolutus, dummodo tamen per annum, & dimidium in Collegio moram traxerit, nec ad aulas Principum, domosque Magnatum diuturnioris mora causa unquam se conferet, minusque ad Universitates, aut alias publicas scholas, sub quovis praetextu, nisi forte iudicio, vel voluntate Superiorum in scriptis exprimenda.

Poenae contra facticium.

§.9. Contrafactores vero perjuri, & infames, inhabilesque perpetuo ad quaecumque beneficia, officia, dignitatesque, tam ecclesiasticas, quam seculares existant: atque etiam, ut ad rependendas, & exsolvendae omnes



omnes illas expensas, quas Sacra Domus pro hujusmodi Alumnis, tam in convictu, quam vestibus, libris, medicinis, viaticisque insumpserit, cogi, & compelli possint, eisdem auctoritate, & tenore etiam perpetuo statimus, & ordinamus.

Privilegia Alumnorum.

§.10. Quo vero dicti Alumni expeditiones, & alacriores ad succurrendum patrie necessitatibus efficiantur, eisdem Alumnis, ut eo temporis spatio, quo in Collegio praefato sese continuerint, & Superiorum iudicio in studiis praefatis, & literarum profecerint, ad omnes etiam Sacros, & presbyteratus Ordines, etiam sine literis dimissorialibus, nisi habeant Episcopos proprios, a quibus illa obtineri poterint, cum ad Collegium diriguntur, & sine Beneficii Ecclesiastici, aut patrimonii, ac etiam extra legitimarum ordinationum tempora, dummodo tamen aliam ad id reperiantur idonei, promoveri possint, & valeant, iidemque sic ad Ordines promoti in originalibus Eccl. cum beneficia, personatus, dignitatesque earum vacare contigerit, tam in Romana Curia, quam apud Ordinarios proprios, & Capitula, aliis omnibus, ceteris paribus, anteferri debeant, & secus factae provisiones irritae, & inanes ipso jure existant, auctoritate, & tenore praemissis, de speciali gratia indulgemus.

Unio sex adolescentium, Bulgarorum cum aliis alumnis, & eorum sustentatio.

§.11. Adolescentes quoque Bulgarici Regni, qui sex numero per Eleemosynarium nostrum secretum hic in Urbe in studiis sustentantur, auxilio assistentissima illorum patriae, ut inter connationales Illyricos in pietate, & literis magis proficere possint, praefatis Alumnis in Lauretano Collegio adiungimus, quibus idem Eleemosynarius noster, uti haecenus consuevit, omnia necessaria pro sufficienti illorum sustentatione, & educatione subministrare debeat, absolutisque ab eisdem Bulgaricis Alumnis studiis semper alios vicissim substitui, sumique ex eodem Regno per eandem Congregationem de propaganda fide, ad Episcopi Sophien. pro tempore existentis nominationem eodem, quo haecenus numero, & provisione declaramus.

Gubernium Collegii datur Presbyteris Soc. Jesu.

§.12. Ceterum cum dilectorum filiorum Presbyterorum Societatis Jesu in hoc educandorum, instituendorumque adolescentium munere diligentia, fides, & integritas in aliis ejusmodi Collegiis, & in hoc ipso, quando Laureti, & in Seminario Romano fuit, satis cognita sit, atque perspecta, Collegium, atque Scholares hujusmodi ipsorum, sicuti a prima illius origine fuit, regimini, institutioni, doctrinae, atque obedientiae, sub regulis, & constitutionibus per dictam Congregationem de Propaganda Fide approbatis, quas apostolica auctoritate confirmamus, eisdem a Rectore, & Alumnis praedictis perpetuo observari mandamus, eadem auctoritate subicimus, atque submittimus.

Privilegia generalia Collegio, & praefatis.

§.13. Et insuper eidem Collegio, & Scholaribus, Rectoribus, & Gubernatoribus, ac Ministris omnia, & quaecumque

privilegia, exemptiones, libertates, facultates, & indulta, quibus Studium Generale Almae Urbis, & illius Rector, Doctoresque in eo legentes, aliaeque Collegia, quarumcumque Nationum, & Seminariorum tam in eadem Alma Urbe, quam extra illam, per Praedecessores nostros Romanos Pontifices instituta utuntur, potiuntur, & gaudent, ac uti, potiri, & gaudere poterunt quomodolibet in futurum, quibusque Collegium, Scholares, Rectores, & Gubernatores hujusmodi non solum ad eorum instar, sed etiam aequè principaliter uti, potiri, & gaudere valeant, in omnibus, & per omnia, dicta auctoritate, communicamus.

Privilegia Superiorum Collegii ad favorem Alumnorum.

§.14. Praeterea Regentibus, & Superioribus dicti Collegii, cum assistentia tamen Cardinalis Protectoris, qui pro tempore constitutus fuerit, & de ejus consilio, & expresso consensu, illos, quos in dicto Collegio, & alibi per debitum tempus studuisse, ac scientia, ac moribus idoneos esse repererint, in praefatis facultatibus ad Baccalaureatus, Licentiaturos, Doctoratusque, & Magisterii gradus, servata forma Concilii Viennensis, juxta Universitatis Almae Urbis consuetudinem, seu aliam promovendi, & ipsorum graduum solita insignia exhibendi, eisque in facultatibus supra scriptis sic promotis, aut illa legitime interpretari, ac de eis disputare, quoscumque gradui, seu gradibus hujusmodi convenientes actus exercere, ac omnibus, & singulis privilegiis, gratiis, favoribus, prerogativis, & indultis, quibus alii in praefata, seu aliis universitatibus, & alibi, juxta illius, & aliarum universitatum hujusmodi constitutiones, & mores, ad gradus praefatos promoti de jure, vel consuetudine utuntur, potiuntur, & gaudent, ac uti, potiri, & gaudere poterunt, quomodolibet in futurum, uti, potiri, & gaudere possint, & debeant, perinde ac si gradus praefatos in ipsa universitate, juxta consuetudines, & mores praefatos suscepissent, concedendi, & indulgendi plenam, & liberam facultatem, & auctoritatem, earumdem tenore praesentium, concedimus, & impartimur.

Deputatio Protectoris Collegii.

§.15. Praeterea, ut ejusdem Collegii conservatio, bonoque regimini, tam in his, quae ad Scholarium institutionem, & disciplinam, quam quae ad victum, vestitum, aliaeque hujusmodi necessaria pertinent, opportunius consulatur, & promptum eis, paratumque auxilium sit, dilectum filium nostrum Scipionem tituli S. Chrysgoni Presb. Card. Burghesium nuncupatum Sacrosanctae Domus Lauretanae Protectorem, ejusdem Collegii Illyrici Protectorem, & defensorem, cujus auctoritate, consilio, & ope tam supra scripta, quam quaecumque alia ad eisdem in dicto Collegio admittendos Scholares, retinendosque, locisve privandos, atque de Beneficiis Ecclesiasticis providendos spectantia agantur, statuatur, & ordinentur, dicta auctoritate constituimus, & deputamus.

Ejusdem facultates.

§.16. Dantes eisdem, & pro tempore existen-

existentibus ejusdem Collegii Protectoribus plenam, & liberam facultatem, & auctoritatem pro salubri directione, & conservatione dicti Collegii, illiusque bonorum, & rerum, ac jurium, tam temporalium, quam spiritualium, Economos, Advocatos, Procuratores, aliosque Ministros, & Officiales in eo deputandi, amovendique, & alios eorum loco sufficiendi; Ordinationes praeterea, statuta, aqua tamen, & honesta, sacrisque Canonibus, & Concilii Tridentini, Sacraeque Congreg. de Propaganda Fide Decretis circa Collegia Pontificia editis, non repugnantia, faciendi, eaque, cum opus visum fuerit, revocandi, irritandi, corrigendi, aliaeque de novo condendi, quae postquam facta, edita, revocata, immutata, & correctae fuerint, perinde haberi volumus, ac si auctoritate apostolica approbata, & confirmata essent.

Decretum irritans.

§.17. Ac decernentes illa ab omnibus Rectoribus, & Magistris, Scholaribus, aliisque personis in hujusmodi Collegio serventibus, & ministrantibus, inviolabiliter observari, ac juxta eorum dispositionem a quibusvis iudicibus, sublata quavis aliter judicandi facultate, judicari, & definiti debere: irritum quoque, & inane, si secus super his a quocumque quavis auctoritate, scienter, vel ignoranter contigerit attentari, exceptis tamen iis, quae in praesenti fundatione, vel in regulis, & Constitutionibus a Congregatione de Propaganda Fide approbata, & a Nobis, ut praesertur, confirmatis, continentur.

Gratiae spirituales Alumnorum concessae.

§.18. Ut vero etiam temporalibus commodis spiritualia munera addamus, quibus fidelium devotio, & merita crescere magis, & augeri possint: De omnipotentis Dei misericordia, ac Beatorum Petri, & Pauli Apostolorum auctoritate confisi, omnibus, & singulis Scholaribus, qui in dictum Collegium recepti fuerint, in ipso ingressu, ac deinde in exitu, siquidem confessi, & contriti sacram communionem devote receperint, atque etiam si in eodem Collegio decedere eos ab humanis contigerit, in mortis articulo plenariam omnium peccatorum suorum Indulgentiam, & remissionem concedimus, & elargimur.

Executores praesentis bullae.

§.19. Quocirca dilectis filiiis causarum Curiae Camerae Apostolicae generali Auditori, ac venerabilium fratrum nostrorum Lauretan., & Anconitan. Episcoporum Vicariis in spiritualibus generalibus Motu simili mandamus, quatenus ipsi, vel duo, aut unus eorum per se, vel alium, seu alios, praesentes literas, & in eis contenta quaecumque, ubi, & quando opus fuerit, ac quoties pro parte Rectorum, & Scholarium hujusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostrae eisdem praesentes, & in eis contenta hujusmodi, ab omnibus, ad quos spectat, & pro tempore spectabit, firmiter, & inviolabiliter observari, ac Rectores, & Scholares praefatos illis pacifice frui, & gaudere: non permittentes eos desuper per quoscumque

quomodolibet indebite molestari, contradicere quoslibet, & rebelles per censuras, & poenas ecclesiasticas, aliaeque opportuna juris, & facti remedia, appellatione postposita compescendo, ac censuras, & poenas ipsas, servata forma Concilii Tridentini, & iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio contrariorum.

§.20. Non obstantibus Constitutionibus, & Ordinationibus Apostolicis, ac dictae Civitatis Lauretan. juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & literis apostolicis quibusvis Universitatibus, Collegiis, eorumque Rectoribus, & personis, etiam sub quibuscumque verborum tenoribus, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, etiam Motu, scientia, & potestatis plenitudine similibus, ac aliis quomodolibet, etiam iteratis vicibus concessis, approbatis, & innovatis. Quibus omnibus, etiam de illis, eorumque totis tenoribus pro eorum sufficienti derogatione specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda, & tenores hujusmodi, ac si de verbo ad verbum nihil penitus omisso, & forma in illis tradita observata, inserti forent, eisdem praesentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse, Motu pari derogamus; contrariis quibuscumque; Aut si quibusvis communiter, aut divisim ab eadem sit Sede indultum, quod interdicti, suspendi, vel excommunicari non possint per literas apostolicas non facientes plenam, & expressam, ac de verbo ad verbum de indulto hujusmodi mentionem.

Exemplorum fides.

§.21. Volumus autem, quod earumdem praesentium transumptis, etiam impressis, manu Notarii publici subscriptis, & sigillo communi dicti Collegii, aut alicujus Curiae Ecclesiasticae, seu personae in dignitate ecclesiastica constitutae munitis, eadem prorsus fides in iudicio, & extra, ac alias ubicumque opus fuerit, habeatur, quae haberetur eisdem praesentibus, si forent exhibitae, vel ostensa.

Sanctio poenalis.

§.22. Nulli ergo omnino hominum liceat, hanc paginam nostrae erectionis, institutionis, statuti, ordinationis, indulti, adiunctionis, declarationis, confirmationis, subjectionis, submissionis, impartitionis, constitutionis, deputationis, decreti, concessionum, elargitionis, mandatorum, derogationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctam Mariam

G

Ma-

Bull. Rom. Tom. VI. Par. I.



Majorem Anno Incarnat. Dominicæ millesimo sexcentesimo vigesimo septimo, Kalendis Junii, Pontificatus nostri Anno V.

CCXXIV.

Confirmatio, & innovatio Constitutionum Sixti V. Clem. VIII., & Pauli V. super prohibitionem alienandi Fortalitia, & Castra, aliaque bona jurisdictionalia in Statu Ecclesiastico existentia, absque Sedis Apostolicæ licentia.

Earumque declaratio, & extensio respectivo quoad Castra diruta, Tenutas, & Prædia etiam non Jurisdictionalia in confinio loci jurisdictionalis, etsi bona in dicto Statu in confinio Principum exterorum sint, illorumque locationes, & censuum annuorum super præmissis omnibus impositiones, & impositionum venditiones.

Prohibitionem Sixti V. de hujusmodi alienationibus habes in Constit. VII. Sollicitudo. Tom. IV. Par. IV. fol. 134. Innovationem vero, & declarationem Clement. VIII. habes Tom. V. Par. II. Constit. CCL. Romanum fol. 271. Et eorundem confirmationem, ac pariter innovationem Pauli Quinti habes Constit. CCLXXXI. Pastorale. Tom. V. Par. IV. fol. 246.

URBANUS EPISCOPUS

SERVUS SERVORUM DEI

Ad perpetuam rei memoriam.

Proemium.

Decens, & æquum esse censemus, ut Nos, qui ex onere pastoralis officii subditorum commodis assidue invigilamus, Sedis Apostolicæ jura tueri nullo pacto negligamus, ac proinde jurisdictiones temporales eidem Sedi subiectas quovis prætextu, vel colore a quoquam usurpari, aut illis gravamina, seu incommoda inferri non permittamus: & si super Constitutionibus Apostolicis per Rom. Pontifices prædecessores nostros editis dubia aliqua oriri contingat, nostræ declarationis remedio, abstractè quæ illarum interpretationibus, & quorumcumque contrahentium palliationibus occurramus, prout in Domino conspiciamus salubriter expedire.

Sixt. V. prohibuit ne Civitates, Oppida, Castra &c. vendantur, aut permutentur absque Sedis Apostolicæ licentia.

§.1. Cum itaque aliàs fel. rec. Sixtus V. considerans convenire, quod si Civitates, Castra, Oppida, Jurisdictiones, Fortalitia præsertim feudalia vendantur, vel permutentur, seu etiam donentur ditioni temporali Sanctæ Romanæ Ecclesiæ subditis, sive extraneis, vel forensibus, id ad Principis notitiam deducatur, per suas sub Dat. videlicet Kalend. Julii Pontificatus sui Anno Primo, omnibus, & singulis cujuscumque status, gradus, conditionis, qualitatis, & dignitatis existentibus, etiam Imperiali, Regali, Ducali, vel alia quavis au-

toritate, & dignitate etiam ecclesiastica, quæ specialem, & individua mentionem requireret, præditi essent, ne Civitates, Castra, Oppida, Jurisdictiones, Fortalitia, & seu bona, aut loca jurisdictionalia hujusmodi in alium, vel alios quoscumque, nisi de expressa præcedente sua, & pro tempore existentis Romani Pontificis licentia vendere, permutare, vel donare valerent, sub poena nullitatis contractuum hujusmodi, prohibuerit, aliaque etiam circa præmissa statuerit.

§.2. Et successive Clemens VIII. volens hominum malitiis, & fraudibus occurrere, & dubia, quæ tunc super præmissorum interpretatione emergebant, declarare, per suas sub Dat. Prid. Non. Julii, Pontificatus sui Anno Decimo, prohibitionem, & statuta prædicta confirmaverit, approbaverit, innovaverit, declaraverit, extendere, & ampliaverit, poenasque amissionis honorum, & aliorum prædictorum contrahentibus, ac privationis officiorum Tabellionibus, & Notariis, qui de contractibus, ut præfertur, prohibitis se rogarent, imposuerit, aliaque etiam jufferit, & decreverit.

§.3. Et insuper Paulus etiam V. Roman. Pontifices prædecessores nostri, ne disposita per Sixtum, & Clementem prædecessores præfatos variis, & alienis ab eorum mente interpretationibus subverti, ac palliatis conventionibus eludi possent, etiam per suas sub Dat. Duodecimo Kalend. Decembris, Pontificatus sui Anno Tertio decimo confectas literas, nedom præmissa confirmaverit, & innovaverit, sed etiam declaraverit, & quatenus opus esset, ad quodcumque genus contractuum, & conventionum extenderit, & ampliaverit, ac licentiam prædictam in scriptis prius obtinuerit, & in actu celebrationis contractus apud Notarium exhiberi mandaverit, & contrahentes nullitatis contractuum, & privationis rei alienatæ, seu translate, vel gravatæ, Tabelliones, seu Notarios poenas falsi, ac privationis officiorum omnium, quæ obtinerent, & inhabilitatis ad illa, & alia impostorum exercenda incurere voluerit, aliaque similiter disposuerit, prout in singulis literis prædictis plenius continetur.

§.4. Ab inde, vero citra hominum verusutia, & artificium adversus prædictarum literarum tenorem, vel ipsorum prædecessorum verisimilem intentionem, & mentem, cautelas, & modos aliquos, absque prædicta Romani Pontificis licentia alienandi, & contrahendi adinvenit, & excogitaverit in alienando, & respective acquirendo Castra diruta, seu tenutas jurisdictionales etiam cum retentione, seu reservatione jurisdictionis, ac etiam Barones, seu Domicelli, Casalata, Tenutas, sive prædia etiam non jurisdictionalia in confinio Territorii alterius Civitatis, Castri, Oppidi, vel loci jurisdictionalis alterius Baronis, seu Domicelli existentia, illa etiam, nulla Romani Pontificis obtenta licentia, alteri Baroni, seu Domicello convicino vendiderint, seu alie-

Clem. VIII. prohibitionem confirmavit, & ampliavit.

Et Paul. V. ea omnia confirmavit pariter, & declaravit, ac extendit ad quodcumque genus contractuum, & conventionum.

Nunc vero quia aliqui modi inventi sunt alienandi absque prædicta licentia, & contrahendi cum retentione jurisdictionis;

alienaverint; & respective emerint, seu acquisiverint, & ex prædictis alienationibus, & acquisitionibus respective dubitari possit, ne tempore saltem procedente jurisdictione aliqua usurpetur, ac termini, seu fines jurisdictionales confundantur, aut protrahantur, vel illam usurpandi, seu illos confundendi, & protrahendi occasio inde aliqua præbeat, etiam in præjudicium Sedis, & Cam. Apost. ac præsertim in eventum cujuscumque aperiitionis feudi, & devolutionis, seu cujuscumque alterius acquisitionis Civitatum, Castrorum, Oppidorum, seu locorum jurisdictionalium, aut Casalium, seu Tenutarum, sive prædiorum eorundem;

Urbanus, Sixtus, Clemens, & Pauli Constitutiones approbat, confirmat, & innovat.

§.5. Nos attendentes, prædictas literas ad hoc, ut omnia Principi innotescant, emanasse, & verisimilem eorumdem Pontificum prædecessorum nostrorum intentionem extitisse, ne ullo modo Camera præfata præjudicium aliquod inferri possit, easdemque rationes, etiam in hujusmodi contractibus, alienationibus, ac acquisitionibus militare, ex prædictis, & seu aliis rationabilibus causis animam nostram moventibus, & remedium opportunum exquirentibus adducti, singularum literarum præfatarum, ac alienationum, acquisitionum, & contractuum quorumcumque, necnon omnium in singulis literis prædictis expressorum, & aliorum hic etiam de necessitate exprimentorum tenores præsentibus pro expressis habentes, Motu proprio, & ex certa nostra scientia, & matura deliberatione, deque Apost. potestatis plenitudine, hac nostra perpetuo valitura Constitutione, singulas Sixti, & Clementis, ac Pauli prædecessorum nostrorum prædictorum literas prædictas approbamus, & confirmamus, ac etiam, quatenus opus sit, innovamus.

Irritæ venditiones, locationes &c. ultra triennium locorum Jurisdictionalium, vel non Jurisdictionalium.

§.6. Præterea quascumque venditiones, seu alienationes, ac locationes ultra triennium cujuscumque Civitatis, Oppidi, seu Castri diruti, seu Tenutæ jurisdictionalis, vel cujuscumque Casalata, Tenutæ, seu Prædii etiam non Jurisdictionalis in confinio alterius Civitatis, Castri, Oppidi, seu loci Jurisdictionalis, ejusve Territorii siti, & etiam ab uno tantum latere confinantis, hæcenus a die dat. ultimo dictarum Literarum, per quemcumque Baronem, seu Domicellum cuicumque alteri Baroni, seu Domicello Civitatem, Oppidum, Castrum, seu locum quemcumque jurisdictionalem, ejusve Territorium in confinio quomodolibet positum possidenti, cujuscumque qualitatis, conditionis, status, gradus, & dignitatis, etiam ecclesiasticæ, etiam specialis, ut præfertur, & individua nota dignæ, ipsi alienantes, & locantes, ac etiam acquirentes, & conducentes fuerint, & sint, sive simpliciter, sive cum assertionem non existentis Jurisdictionis, sive cum jurisdictionis penes venditorem, seu alienantem retentione, seu reservatione, aut aliàs quomodolibet factas, etiam hucusque effectum plenum fortitas, ultimodictarum Literarum dispositioni, quoad nullitatem præfatarum alienationum, acquisitionum, & contra-

Bull. Rom. Tom. VI. Par. I.

ctuum dumtaxat subjacuisse, & subiacere, & hujusmodi alienationes, acquisitiones, & contractus inter Barones, seu Domicellos, ut præfertur, facta, & inde sequuta quacumque, nulla, nulliusque roboris, aut momenti fuisse, & esse declaramus.

§.7. Ac Tabelliones, & Notarios de illis rogatos, sub eadem privationis Officiorum, aliisque nostro, & pro tempore existentis Romani Pontificis arbitrio incurendis poenis, instrumenta, & scripturas de super jam facta Nobis, & Camera præfata intra sexaginta dies a die infrascriptæ publicationis præsentium computandos, revelare, & cum effectu exhibere teneri volumus, & mandamus.

Mandat Notariis sub poenis ut luc, ut quascumque scripturas de super confectas infra 60 dies a publicatione præsentium revelare Cam. Apost. debeant.

§.8. Denique singulas Literas prædictas, & in eis contenta quæcumque, tam ad venditiones, permutationes, & quascumque alienationes, & locationes etiam ad triennium, vel quantumvis minus tempus a quocumque etiam non Barone de Casalibus, Tenutis, seu Prædiis non jurisdictionalibus, quæ in confinio, etiam ab uno tantum latere alicujus Civitatis, Castri, Oppidi, vel loci jurisdictionalis, vel ejus Territorii consistant, de cætero directe, vel indirecte, mediate, vel immediate, ac aliàs quomodolibet alicui Baroni, ut præfertur, Jurisdictionem, seu bona in confinio possidentem.

Extendit d. Constit. ad omnes venditiones, locationes, &c. etiam ad triennium, vel minus tempus faciendas.

§.9. Ac etiam ad quascumque locationes bonorum quorumcumque in Statu nostro Ecclesiastico, in confinio tamen Domini cujusvis Principis exteri, etiam Nobis mediate, vel immediate subiecti existentium, cuius etiam non Baroni, qui tamen noster subditus non sit, vel esse quandoque desierit, eo ipso illa nulla sint, & resolvantur, faciendas.

Necnon ad locationes bonorum in Statu Ecclesiastico existentium in confinio domini Principis exteri Sedi Apost. quomodolibet subiecti cuius extero pariter faciendas.

§.10. Quam etiam ad quascumque impositiones, venditiones, cessiones, alienationes censuum annuorum, juxta Constitutionem per piæ memoriæ Pium Papam Quintum etiam Prædecessorem nostrum de creandis censibus editam super prædictis Civitatibus, Castris, Oppidis, Locisve Jurisdictionalibus, aliisque bonis non Jurisdictionalibus, in confinio alicujus Civitatis, Castri, Oppidi seu loci Jurisdictionalis, ut præfertur, ejusve Territorii, etiam ab uno tantum latere confinantis, existentibus, per quoscumque Barones, seu Domicellos, & alios quoscumque etiam Communitates, Universitates, & quorumque Monasteriorum, Ecclesiarum, Beneficiorum Ecclesiasticorum, & aliorum piorum locorum Superiores, & Conventus, Capitula, Rectores, Beneficiatos, & Governatores, seu Administratores respective in futurum imponendorum, ac tam quoad illos, quam etiam quoad antea jam impositos vendendorum, cedendorum, seu alienandorum ad favorem cujuscumque, ita quod nullum jus prælationis in emendis præfatis Civitatibus, Castris, Oppidis, aut locis Jurisdictionalibus, sive non Jurisdictionalibus præfatis Censuariis, aliisque ab ipsis causam pro tempore quomodolibet habentibus, unquam tribuant in præjudicium dictæ Camere.

Ac etiam ampliat ad impositiones, venditiones, cessiones, & alienationes censuum annuorum juxta formam Constit. Pii V.



rae, quae eisdem Censuariis, & aliis praefatis semper erit preferenda, siue emat ad effectum retinendi, siue intra annum a die emptionis computandum cuilibet alteri rem emendam vendendi, vel cedendi, extendimus, & ampliamus.

Clausula sublata.

§.11. Sicque, & non aliter in omnibus, & singulis praemissis per quoscumque iudices ordinarios, & delegatos, & commissarios, & etiam Camere praefata Clericos, Praesidentes, necnon caularum Palatii Apostolici Auditores, ac Sanctae Romanae Ecclesiae Cardinales, etiam Camerarium, & de latere Legatos iudicari, & desinari, ac interpretari debere, sublata eis, & eorum cuilibet quavis aliter iudicandi, & interpretandi facultate, & auctoritate, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Mandatur observantia dictae Constitutionis.

§.12. Injungentes, & mandantes in virtute sanctae obedientiae, ac sub poena indignationis nostrae, eisdem Legatis, Vicelegatis, Gubernatoribus etiam Urbis, ac Iudicibus, nunc, & pro tempore in eadem Urbe, & toto Statu nostro Ecclesiastico existentibus, & cuilibet eorum, ut praesentes nostras, & in eis contenta quaecumque in Urbe, ac Statu praefatis ab omnibus, & singulis, ad quos quomodolibet spectat, & in futurum spectabit, perpetuo observari mandent, & faciant, & pro omnium, & singulorum praemissorum inviolabili observatione contra inobedientes, & praemissis in aliquo contravenientes, & alios, quos opus erit, omnibus juris, & facti remediis opportunis procedant, omni, & quacumque appellatione remota.

Clausula delegatorum.

§.13. Non obstantibus praefata Pii V. super creandis censibus, & nostra de non tollendo iure quaesito, aliisque Constitutionibus, & Ordinationibus Apostolicis, ac omnibus illis, quae Sixtus, & Clemens, ac Paulus praedecessores praefati in dictis eorum literis voluerunt non ob stare, ceterisque contrariis quibuscumque.

Publicatio in Urbe omnes ligare decernit.

§.14. Ut autem praesentes omnibus innotescant, volumus, & apostolica auctoritate decernimus, quod illae in valvis Ecclesiae Lateranensis, & Basilicae Principis Apostolorum de Urbe, necnon in acie Campi Florae publicentur, & affigantur, quae postquam sic affixae, & publicatae fuerint, quoscumque tam in Romana Curia, & Statu praefato, quam extra eos existentes perinde obligent, & ardeant, ac si unicuique eorum nominatim, & personaliter intimatae fuissent.

Fides danda transumptis.

§.15. Quodque earum exemplis etiam impressis, manu Notarii publici, & sigillo alicujus personae in dignitate ecclesiastica constitutae munitis, eadem prorsus fides adhibeatur, quae ipsismet praesentibus adhiberetur, si essent exhibitae, vel ostensa.

Decretum penale adiungit.

§.16. Nulli ergo omnino hominum liceat, hanc paginam approbationis, confirmationis, innovationis, declarationis, extensionis, ampliationis, injunctionis, mandati, voluntatis, & decretorum nostrorum

infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romae apud Sanctam Mariam Majorem, Anno Incarnationis Dominicae millesimo sexcentesimo vigesimo septimo, Kalendis Junii, Pontificatus nostri Anno Quarto.

Dat. die 1. Junii 1627. An. IV.

Anno a Nativitate Domini Nostri Jesu Christi 1627. Indict. 10. die vero 20. mensis Junii, Pontificatus Sanctissimi in Christo Patris, & Domini Nostri Domini Urbani divina providentia Papa Octavi Anno eius V. retroscripta littera Apostolica affixa, & publicata fuerunt in valvis Basilicarum Sancti Joannis Lateranensis, & Principis Apostolorum de Urbe, & in acie Campi Florae, dimissis ibidem eisdem literis per aliquantulum temporis spatium appensis, deinde amotis, per nos Paulum Bartoccium, & Camillum Fundatum SS. D. N. Papa Curf.

Brandimartes Latinus SS.D.N. Papa Curf. pro Mag. Curf.

CCXXV.

Nova erectio Collegii in Civitate Pragensi Regni Boemiae pro Adolescentibus Germanicae Nationis. Ac reddituum attributio; Indultorumque concessio, & communicatio.

Instituit olim hoc Collegium Gregor. XIII.

Unum Collegium pro Adolescentibus ex Illyricis Provinciis in Civitate Lauretana sumptibus Sacrosanctae Domus alendis, & ut supra imbuendis fundavit hic idem Pontifex ut in Constitut. CCXXIII. Zelo Domus Dei. hic supra fol. 46.

URBANUS EPISCOPUS

SERVUS SERVORUM DEI

Ad perpetuam rei memoriam.

Quoniam divinae bonitati visum est, humilitatem nostram turbulentissimis Christianae reipublicae temporibus ad universalem Ecclesiae regimen vocare, ex eo tempore Nos, ejusdem adjuvante gratia, ea potissimum, sicut officii nostri ratio postulat, cogitare, & agere non desistimus, quae ad divinum ubique cultum propagandum, & ecclesiasticam disciplinam restaurandam, & augendam, animarumque salutem procurandam cognovimus pertinere.

Exordium.

§.1. In primis vero animo recoleentes amplissimum Boemiae Regnum, quod superioribus seculis inter ceteras Germanicae Nationis laudes, atque virtutes tanto sincerae fidei, & Christianae religionis cultu emnere solebat, ut reliquis Christianae reipublicae

Regni Bohemiae calamitates recenset.

bliae partibus non minori exemplo, quam ornamento, atque decori esset, nunc tot, tantisque in eo instinctu Satanae excitatione de religione dissidiis ita miserandum in modum afflictum, & deformatum esse, ut nemo, vel mediocri pietate praeditus, sine lachrymis, tam gravem animarum iacturam recordari, nedum intueri queat, curam suscepimus, ut quibusvis possimus modis, nullis laboribus, nullisque sumptibus parcentes, apta sanandis illius vulneribus remedia adhibeamus.

Gregor. XIII. in Civitate Pragen. erectum Collegium pro 40. pueris Nationis Germanicae assignata summa 1530. Talerorum Imperialis Camera Apostolica exsolvenda.

§.2. Ac provide considerantes fel. rec. Gregorium Papam XIII. Praedecessorem nostrum, optimo quidem consilio Collegium in Civitate Pragen. dicti Regni Metropoli Quadraginta alendorum, ac Latinis literis, Logica, Physica, aliisque liberalibus disciplinis, ac sacra demum Theologia, necnon piis, & Christiano nomine dignis moribus instituentorum Germanicae Nationis puerorum causa eidem Collegio mille quingentorum triginta Talerorum Imperialium summa assignata, quam de praesenti Camera nostra Apostolica persolvit, alias apostolica auctoritate erexisse, & instituisse, ut ii non per se solum boni, doctique evaderent, sed habendis concionibus, ac disputationibus, refellendis haeresibus, fideique orthodoxae veritati dilucidanda, ac praeterea exercenda animarum cura, aliisque piis, & sanctis operibus apti, & idonei essent, & quam maximum in Ecclesia Dei fructum ex se proferrent.

Quod tamen partim proficit.

§.3. Id tamen ejus coeptum, atque conatum, tum propter obitum ipsius, tum ob varias, & postea sequuta sunt, temporum, & rerum difficultates, parum profecisse, imo nec literas apostolicas super hujusmodi erectione, & institutione expeditae fuisse verisimiliter credendum esse, cum factis plurimis, tam in Romana Curia, quam in dicta Civitate Pragen. diligentibus, tales literae reperiri non potuerint.

Urbanus illud erigit pro 20. Alumnis.

§.4. Nos ad opus hoc propagationi fidei utilissimum, praesertim hoc tempore, quo Regnum Boemiae summa operariorum Catholicorum inopia laborat, totis viribus, prout ex susceptae servitutis officio tenemur, promovendum, animum, & mentem nostram convertentes, ac coeptum, & conatum dicti Gregorii praedecessoris, quantum in Nobis est, renovare intendentes, mature desuper cum Venerabilibus fratribus nostris Sanctae Romanae Ecclesiae Cardinalibus Congregationi de propaganda Fide praefatis habito consilio, Motu proprio, non ad alicujus Nobis desuper oblatae petitionis instantiam, sed ex certa scientia, meraque liberalitate nostris, ac de apostolicae potestatis plenitudine, ad Dei omnipotentis laudem, sanctaeque ipsius Ecclesiae incrementum, praecipuamque Germanicae Nationis salutem, & commodum in dicta Civitate Pragen. rursus Collegium praefatum, Pragensis appellandum, in quo posthac non minus quam viginti Alumnis, videlicet ex Boemia octo, ex Silesia tres, ex Lusatia duo, ex utroque Palatinatu etiam duo, ex Bran-

deburgica Marchia similiter duo, & ex ambabus Saxonis alii pariter duo, ex Hassia vero unus colligendi, dictis scientiis, & disciplinis, necnon sacris Canonibus institui, atque erudiri; & si contigerit ex Silesia, Lusatia, utroque Palatinatu, Brandeburgica, Hassia, & utraque Saxonia Alumnos haberi non posse, tunc, & eo casu, post factas a Rectore dicti Collegii, & demum a dilecto filio moderno, & pro tempore existente nostro, & Sedis Apostolicae Nuntio apud charissimum in Christo filium nostrum modernum, & pro tempore etiam, existentem Romanorum Regem in Imperatorem electum commorante diligentias, Alumni Boemi in locum eorum assumi debeant, apostolica auctoritate praefata, tenore praesentium de novo ex integro perpetuo erigimus, & instituiamus.

Illique sic erecto pro congrua ejus dote, ac Alumnorum praefatorum, & illis inservientium personarum sustentatione, onerumque illis incumbentium supportatione, redditus annuos mille quingentorum triginta Talerorum hujusmodi ex Camera Apostolica pecuniis quotannis sumendos, & numerandos distributa in trimestres singulos pro rata solutione, quoad totidem reddituum summa in bonis stabilibus eidem Collegio a Nobis, vel successoribus nostris provisum fuerit, eidem auctoritate, & tenore concedimus, & attribuiamus.

§.5. Illique sic erecto, & instituto pro congrua ejus dote, ac Alumnorum praefatorum, & illis inservientium personarum sustentatione, onerumque illis incumbentium supportatione, redditus annuos mille quingentorum triginta Talerorum hujusmodi ex Camera Apostolica pecuniis quotannis sumendos, & numerandos distributa in trimestres singulos pro rata solutione, quoad totidem reddituum summa in bonis stabilibus eidem Collegio a Nobis, vel successoribus nostris provisum fuerit, eidem auctoritate, & tenore concedimus, & attribuiamus.

Ac regimini, & institutioni Praebyterorum Societ. Jesu submittit.

§.6. Ceterum cum dilectorum filiorum Praebyterorum Societatis Jesu in hoc educandorum, instituentorumque adolescentium munere diligentia, fides, integritas, & in aliis hujusmodi Collegiis, & in hoc ipso satis cognita sit, atque perspecta, idem Collegium, atque Scholares illius ipsorum, sicut prius fuit, regimini, institutioni, doctrinae, atque prudentiae eadem auctoritate etiam perpetuo subiciamus, atque submittimus.

Profectores dicti Collegii erect. Card. Congreg. de Propaganda Fide praefatos pro tempore existentes, qui in Vice protectorem Archiepiscopum Pragen. constituant.

§.7. Praeterea, ut ejusdem Collegii conservacioni, bonoque regimini tam in his, quae ad Scholarium institutionem, & disciplinam, quam quae ad victum, vestitum, aliaque hujusmodi necessaria pertinent, opportunus consulatur, & promptum eis, paratumque auxilium sit, dictos Sanctae Romanae Ecclesiae Cardinales Sacrae Congregationi praefatae Praefatos nunc, & pro tempore existentes ejusdem Collegii Protectores, & Defensores, qui in Viceprotectorem illius Venerabilem fratrem nostrum, Archiepiscopum Pragen. similiter nunc, & pro tempore existentem, ita tamen, ut in gravioribus nihil praecipere, aut mandare, vel facere valeat sine consilio, & consensu Nuntii praefati, quibus aliquid eorum, quae in hac fundacione, vel in Regulis a Congregatione praefatae approbatae continentur, immutare minime licebit absque ejusdem Congregationis, vel Romani Pontificis expressa licentia, deputare possint, & valeant, eadem auctoritate constituimus, & creamus.

Protectores, ac Viceprotectores praedicti facultates dant.

§.8. Illique, ac Viceprotectori praefato pro salubri illius conservacione, Alumnorum,



rum, bonorum, & rerum, ac iurium temporalium, & spiritualium eiusdem Aedonimos, Advocatos, Procuratores in eo deputandi, & amovendi, & alios eorum loco substituendi, differentias, lites, & controversias inter quascumque personas tam Alumnorum, quam ministrantium Clericorum, & Laicorum, non tamen Presbyterorum ipsius Societatis exortas (summarie, simpliciter, & de plano sine figura, aut strepitu iudicii, appellatione quacumque remota, decidendi, definiendi, terminandi, & exequendi, Statutaque, & ordinationes disciplinam Scholasticorum, & studia Alumnorum praefatorum concernentia, aequa tamen, & honesta, sacrisque Canonibus, & Concilii Tridentini decretis non repugnantia, faciendi, & condendi, eaque, cum opus fuerit, revocandi, immutandi, & corrigendi, aliaque de novo condendi, quae postquam facta, edita, revocata, immutata, & correctae fuerint, perinde habeantur, & observentur, ac si apostolica auctoritate approbata, & confirmata essent, prout illa ab omnibus dicti Collegii Alumnis ita haberi, & inviolabiliter observari mandamus, plenam, & liberam, auctoritate, & tenore praemissis concedimus facultatem.

Modum, & formam recipiendorum in ipso Collegio praeficit.

§.9. Quod autem ad dictorum Alumnorum admissionis modum, & formam, deinceps habendam attinet; Rectorem presbyterum dicti Collegii pro tempore existentem librum habere, in quo notentur nomina, & cognomina, ac patris, & parentis Alumnorum, qui recipiuntur in dicto Collegio, & ex eo dimittentur, ex dicto libro singulis annis Catalogum eorum, qui recepti, & qui dimissi fuerint, cum die, & mense ingressus, & egressus illorum ad Nuntium praefatum transmittere, ut ipse Nuntius illum dictae Congregationi transmittere possit. Quod si ex aliqua peculiari causa dimitti contigerit, eam etiam in dicto Catalogo exprimi; insigniores vero Alumnorum praefatorum actiones in eodem libro adnotare, eaque suo tempore eidem Nuntio significare, ut pariter de illis eadem Congregationem certiores facere valeat, quas ad Nos, & successores nostros Romanos Pontifices pro tempore existentes per eandem Congregationem deferri volumus, ut cum occasio tulerit, praemio cohonestentur.

Aliaque circa administrationem bonorum temporarium servanda statuit.

§.10. Ac denique alium librum, in quo dati, & accepti rationes diligentissime descriptae sint, illaque singulis annis ad minus eidem Nuntio reddantur, & in ejus manibus relinquatur folium, vulgo Bilancium nuncupatum, in quo provisio Collegii, & alia, quae ipsius Collegii, vel Alumnorum ratione acceperit, & ea, quae illo anno pro ipsius Collegii, & Alumnorum sustentatione impenderit, notata existant, ut similiter ab eodem Nuntio ad Urbem mitti possit, etiam habere. Si quod autem de tota summa pensionis Pontificiae, redditus rationibus, supererit, id vel in aliis Alumnis evocandis, vel in necessariis libris emendis, vel in vestiendis Alumnis dimit-

tendis, vel etiam in redditibus augendis, aut in aliis Collegii necessitatibus arbitrio Nuntii, & Archiepiscopi Praegen. praefatorum impendi debere, eadem auctoritate statuimus, & ordinamus.

Privilegia Alumnis elargitur, & praecipue sacros Ordines suscipiendi.

§.11. Ut vero hujus Collegii Alumni post longos studiorum vel ceptorum, vel consummatorum labores expeditiores, & alacriores ad succurrendum Patriae necessitatibus reddantur, eisdem Alumnis, ut cum solis literis testimonialibus dicti Collegii Rectoris pro tempore existentis Archiepiscopo Praegen. offerendis, ab eoque subscribendis, ac ejus sigillo muniendis, nisi forte Alumni praefati suos Ordinarios habuerint, a quibus dimissorias a Concilio Tridentino ordinatas habere possint, ad omnes etiam sacros, & presbyteratus ordines sine aliquo Beneficii, vel patrimonii titulo, etiam extra tempora ad id a jure statuta, & intra annum, annique curriculo non expectato, minusque servatis ad id a Concilio Tridentino praefato designatis interstitiis, dummodo ad id aliis reperiantur idonei, promoveri, & postquam promoti fuerint, in illis etiam in Altaris ministerio ministrare, ac etiam tam ipsi, quam ceteri omnes in dicto Collegio degentes, ut Poenitentiae, & Eucharistiae etiam die Paschatis, & Extremae-Unionis Sacramenta a Confessorio, aut alio Sacerdote ipsius Collegii a dicto Rectore constituto suscipere libere, & licite valeant, auctoritate, & tenore praemissis de speciali gratia indulgemus.

Episcopos in illis paribus existentes hortatur, ut in conferendis beneficiis ipsos Alumnos alios praerant.

§.12. Verum ut, quantum fieri poterit, Alumnorum pauperati, & necessitati succurratur, Archiepiscopos, Episcopos, & alios antedictarum Provinciarum Beneficiorum Collatores, & Collatrices serio requirimus, & monemus, ut in illis conferendis, & praesertim si Beneficia hujusmodi pro tempore obtinentibus imminet cura animarum, Alumnos praefatos aliis omnibus ceteris paribus praerant; Nuntios quoque Sedis Apostolicae, aliosque Praelatos supradictarum Provinciarum, in quorum dioecesi Alumni praefati extiterint, similiter monemus, & hortamur, ut in occurrentibus Beneficiorum, & praesertim curam animarum habentium vacationibus, quorum collatio, provisio, vel dispositio quoquomodo ad Sedem Apostolicam pertinuerit, de illis Alumnis antedictis pauperioribus, praecipueque nostra pontificia gratia dignis, Nos, successoresque nostros Romanos Pontifices pro tempore existentes certiores faciant, ut munificentiam nostram erga illos, prout tempus, vel occasio tulerit, exercere possimus. Et generaliter in Dignitatibus, Personatibus, Canonicatibus, & Praebendis, Parochialibus Ecclesiis, & aliis Beneficiis per collationem, vel electionem in Alumnorum patriis providendis, aliis omnibus ceteris paribus tam in Romana Curia, quam in Ecclesiis suis originalibus praerari volumus, & decernimus.

Collegio, & ejus personis communicat privilegia Studii generalis Urbis.

§.13. Atque insuper eisdem Collegio, & Scholaribus, Rectoribus, & Gubernatoribus, omnia, & quaecumque privilegia, & ex-

exemptiones, libertates, facultates, & indulgentias, quibus Studium generale Almae Urbis nostrae, & illius Rectores, Doctoresque, & in eo legentes quovis modo utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, quibusque Collegium, & Scholares, ac Rectores, & Gubernatores hujusmodi non solum ad eorum instar, sed pariformiter, & aequè principaliter uti, potiri, & gaudere valeant in omnibus, & per omnia eisdem auctoritate, & tenore communicamus.

Indulgentias quoque concedit.

§.14. Ut vero temporalibus commodis spiritualia munera quoque conjugamus, quibus fidelium devotio, & merita crescere magis, & augeri possint, de omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis Scholaribus, Rectoribus, & Ministris, qui in idem Collegium recepti fuerint, in ipso ingressu, & deinde in exitu, siquidem confessi, & contriti Sanctissimum Eucharistiae Sacramentum sumpsissent, atque etiam si in eodem Collegio decedere eos ab humanis contigerit, in mortis articulo, plenariam omnium peccatorum suorum Indulgentiam, & remissionem misericorditer in Domino concedimus, & elargimur.

Statuta Congregatione de Propaganda Fide pro regimine Collegii edita approbat, & observari mandat.

§.15. Postremo quascumque Regulas, & Constitutiones ad ejusdem Collegii, illiusque personarum, rerum, & bonorum spiritualium, & temporalium, curam, regimen, gubernium, directionem, & administrationem, ac Alumnorum praefatorum receptionem, admissionem, victum, amicum, instructionem, disciplinam, & alia quomodolibet pertinentia a dicta sacra de Propaganda Fide Congregatione die nona Novembris millesimi sexcentissimi viginti sexti edita etiam perpetuo approbamus, & confirmamus, illaque ab omnibus inviolabiliter observari volumus, & mandamus.

Clausulas praeservativas addit.

§.16. Decernentes, praemissa omnia, & singula, ac praesentes nullo unquam tempore ex quibusvis causis de subreptionis, vel obreptionis, aut nullitatis vitio, aut intentionis nostrae, vel quocumque alio defectu notari, impugnari, retractari, seu etiam revocari, suspendi, restringi, limitari, aut in jus, vel controversiam vocari, seu ad terminos juris reduci posse, nec quemquam ad eandem praesentes in Camera Apostolica, juxta Constitutionem pie memoriae Pii Papae IV. etiam Praedecessoris Nostri desuper editam, aut alias quocumque praesentandum, insinuandum, & registrari faciendum teneri, neque propterea illas irritas esse, sed omni modo valere, ac si Constitutio praefata, & alia contraria minime emanassent.

Clausula subla.

§.17. Sicque per quoscumque Judices ordinarios, & delegatos, etiam Camerae Apostolicae Praesidentes, Clericos, ejusdem Sanctae Romanae Ecclesiae Camerarium, Vice-Camerarium, Causarum Palatii Apostolici Auditores, ac alios ejusdem S. Romanae Ecclesiae Cardinales, sublata eis, & eorum cuilibet quavis aliter judicandi, &

interpretandi facultate, & auctoritate iudicari, & definiri debere, irritum quoque, & inane, quicquid secus super his a quoquam quavis auctoritate scienter, vel ignoranter contigerit attentari.

Executores huius Const. deputat.

§.18. Quocirca venerabili fratri Archiepiscopo Praegen. Nuntio praefato, ac dilecto filio Causarum Curiae Camerae Apostolicae generali Auditori Motu pari mandamus, quatenus ipsi, vel duo, aut unus eorum per se, vel alium, seu alios praesentes nostras literas, & in eis contenta quaecumque, ubi, & quando opus fuerit, ac quoties pro parte Rectoris, & Alumnorum Collegii hujusmodi fuerint requisiti, solemniter publicantes, illisque efficacis defensionis praesidio assistentes, faciant auctoritate nostra eandem praesentes, & in eis contenta eujusmodi ab omnibus, ad quos spectat, & pro tempore spectabit, firmiter, & inviolabiliter observari, ac Rectorem, & Alumnos hujusmodi illis pacifice frui, & gaudere, non permittentes eos desuper per quoscumque quomodolibet indebitè molestari, contradicentes quoscumque, & rebelles per censuras, & poenas ecclesiasticas, aliaque opportuna juris, & facti remedia, appellatione postposita, compescendo, ac censuras, & poenas ipsas servata forma ejusdem Concilii Tridentini etiam iteratis vicibus aggravando, invocato etiam ad hoc, si opus fuerit, auxilio brachii secularis.

Contraria abrogat.

§.19. Non obstantibus nostra de gratiis ad instar non concedendis, ac praefata Gregorii Praedecessoris hujusmodi, quatenus opus sit, & quatenus reperiretur, ac quibusvis aliis Constitutionibus, & Ordinationibus Apostolicis, necnon statutis, & consuetudinibus, privilegiis quoque, indulgiis, & Literis Apostolicis quibusvis Universalibus, Collegiis, eorumque Rectoribus, & personis etiam sub quibusvis verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam Motu, scientia, & potestatis plenitudine similibus, & alias quomodolibet iteratis vicibus concessis, approbatis, & innovatis; Quibus omnibus, etiam si de illis, eorumque totis tenoribus per eorum sufficienti derogatione specialis, specifica, & expressa, ac individua, & de verbo ad verbum, non autem per clausulas generales idem importantes mentio, seu quaevis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, eisdem praesentibus pro plenè, & sufficienter expressis habentes, illis alias in suo robore permanens, hac vice dumtaxat specialiter, & expresse harum serie derogamus, contrariis quibuscumque. Aut si quibus communiter, aut divisim ab eadem sit Sede indultum, quod interdicti, suspendi, vel excommunicari non possint per Literas Apostolicas non facientes plenam, & expressam, ac de verbo ad ver-